

ALAVES, UEFAKO FINALEAN. Dortmunden dira dagoeneko Alaveseko jokalaria, bihar UEFAko finala jokatzeko. Atzo lehen lan saioa egin zuten. Jokalaria gogotsu daude, baina betiko umiltasuna erakusten dute. Liverpooleko jokalaria gaur iritsiko dira.

Lana, apaltasuna eta gogoa

Alaveseko jokariak, orain arteko bidea jarraitzen bada, UEFAko finala irabaztea lortu daitekeela iritzi dute



DAVID AGULAR / EFE

Jose Manuel Esnal Mane entrenatzailea eta Alaveseko jokariak, atzo Rote Erde zelaian entrenatzen.

Jon Rejado | DORTMUND
Berriemaile berezia

Dortmundeko abentura hasi aurretik Maneren jokari guztien aurpegietan urduritasuna nabaria zen atzo Forondan. Alemaniara eraman behar zituena hegazkina hartu aurretik, jokari guztiek UEFAko finala irabaztea lortu daitekeela adierazi zuten, Liverpoolen nagusitasuna agerian egon arren. Javi Morenok, Espainiako Ligako azken jardunaldietan golaren bidea berreskuratu ondoren, la-saitasun apur bat eskatzen zuen taldeak biharko finala bete-betean har dezan. «Partidu bakoi-tza mundu bat da, eta inork ezin du esan hasi aurretik zer gertatuko den», adierazi zuen Espainiako Ligako pitxitxiak.

UEFAko finalerdietako partidurik jokatzeko aukerarik izan ez zuenez, gogo biziz hartzen du aurrelari valentziarrak final handian jokatu ahal izateko aukera: «Gustatuko litzaidake golik sartzea, baina, horren gainera, Alavesek partidua irabaztea nahiko nuke, Herrerak azken minutuan gol bategatik bada ere».

Partidua gogo betean hartzen duela ere adierazi zuen Javi Morenok. Final batean bihotza zela gainera uzteko inolako laguntzarik ez dela behar argitu zuen, eta txapeldunak bihurtzeko ahal duen guztia emango duela argitu zuen berriz ere. Dena den, ez dauka oso argi zer topatuko duen zelaian bertan, ez baitu Liverpoolen bideorik ikusi. «Pare bat jokari ezagunak egiten zaizkit, haien ospea dela eta, baina besterik ez», azaldu zuen Javi Morenok.

Azken jardunaldietako emaitzek, eraginik ez

Bihar Dortmunden UEFAko finalean neurtuko diren bi taldeak azken jardunaldietan bide guztiz ezberdinak jarraitu dituzte. Liverpoolek dena irabazi du, Ingalaterrako Kopa barne; Alavesek berriz ez du ohi duen jokoa erakutsi. Dena den, jokari gehienek ez dute pentsatzen horrek inongo eraginik izango duenik. «Dena partidua bakar batean jokatuko da, eta

Alavesek ezin izan zuen normaltasunez entrenatu atzo zelaiaren egoeragatik

erakutsi zuen, eta klubak Borussia entrenatzen duen zelaia gaurko eskatu behar duela adierazi zuen. Arazoa ahaztuta, jokariak entrenamendua hasteko zelaiaren gainean luzaketa ariketa batzuk egin zituzten, eta ondoren korrika egin zuten. Gero, Manek bi multzotan banatu zuen taldea eta baloia mugitzeko ariketa batzuk egin zituzten. Bukatzeko, beste luzaketa ariketa batzuk egin zituzten gasteiztarrek, eta goi-

MANE

Alavesen entrenatzailea

«Ez dut uste gogo txarrez egin dutenik, baina ez da horrelakorik egiten diguten lehen aldia»

zeko bidaian pilatutako tentsioa uxatu zuten horrela.

Entrenamendua bukatu ostean, Manek gogor ekin zuen

zelaia aukeratu zuen UEFAko arduradunaren kontra, atzo beste ezer egiteko baldintzarik ez zegoen eta. «Ez dut uste gogo txarrez egin dutenik, baina hau ez da horrelakorik egiten diguten lehen aldia», adierazi zuen entrenatzaileak samintasunez. Gaur bertan Manek partiduen alorrik garrantzitsuenak landuko ditu ezkutuan, ateak itxita arituko baita jokariarekin. Martin Herrera atezaina ere kexu azaldu zen Rote Erde baino hobeagorik ez aurkitzea tamalgarria zela esanez, baina hala ere taldeak bere arreta guztia finalean jarri behar zuela eta txikiki-riengatik ez zuela arreta galdu behar esan zuen.

Jon Rejado | DORTMUND
Berriemaile berezia

Alavesen izen txikiak arazo bat baino gehiago eman dio Maneren taldeari UEFA txapelketa honetan. Interren kontra jokariak hiritik 25 bat kilometrora entrenatu behar izan zuten bezala, atzo Rote Erde atletismo pistan jardun ziren arabarrak. Eratzunaren erdian zegoen berdeguneaz baliatuz, ate batzuk jarri zituzten UEFAko arduradunek, alde aurretik jakin bazekiten arren zeintzuk ziren Alavesen asmoak.

Entrenamendua izan behar zuen tokira heldu orduko Manek desadostasun nabaria